



Budget 2020–21

Batzet (budget) Zoh duaknak

Rian fakpi a tuanmi Australia mi pawl caah a tlawm deuhmi ngunkhuai pawl

Hi Batzet (budget) ah, sipuazi lei tunmer thannak bawmh dingah, hmailei thla 12 chung caah pekchapmi \$12.5 billion telhchih in pumpak tangka hmuhmi ngunkhuai bawmh ah Acozah nih pekchapmi \$17.8 billion kha a pek cuahmah. Phungphai ngeihcia a simi Pumpak Tangka hmuhmi Ngunkhuai Timhtuahnak (Personal Income Tax Plan) tangah ngunkhuai thumhpiaknak cu \$8.1 billion si ding in a tuah i cucu 2020-21 tangka kum caah pek a si te lai.

Acozah thlennak pawl tangah, pampaak pawl nih aa tinhmi i Dot 2 ah ngunkhuai zuhnak lei a kalpi sinin amiak an hmuh lai, cun 2020-21 i a tlawmmi le a laivuang tangka hmuhnak a ngeimi ngunkhuai

khirhnak in a dang tein chapchihmi amiak an ngah rih lai.

Innsaknak lei bawmhak

Rian pawl ser, kan sipuazi sersiam than le Australia i hmailei him ter dingah kan sipuazi tunmernak lei timhtuahnak ngeih a si bantukin, Avoikhatnak Inncawknak Cawihmi Chiahnak Timhtuahnak (First Home Loan Deposit Scheme) tiang sauh chapmi tangah chapmi 10,000 avoi khatnak inncawtu pawl nih a ruahhlan ah innthar an caw kho te lai.

Chapmi hmun 10,000 cu innthar asilole saktharmi inn cawknak bawmh dingah 2020-21 ah pek a si te lai. Hi hin hin avoi khatnak inncawtu pawl kha innthar sak ding asilole saktharmi inn kha zatuak 5 tluk a tlawmmi tangka chiah chungnak, tangka cawimi zatuak 15 tiang Acozah amakhannak he cawk dingah cawimi tangka kha a himter lai.

Inn, lam le hlei sarnak lei tangka hramchiahnak

COVID-19 pulrai aa thawk sin in khan Acozah nih a thar in \$14 billion pekchapnak a tuah cang i hmailei kum li chung inn, lam le hlei sak dingmi procek pawl kha khulrang deuh in a tuah cang. Hi procek pawl nih hin an sak lio ah rian 40,000 a bawmh chap hna lai.

Hi tangka hramchiahnak cu Acozah nih kum 10 chung pipeline tawlnak lei thialkaamnak caah tangka hramchiahmi a cheuchum a si, cucu \$110 billion tiang pekchap a si i rampumpi cul in rianhmun pawl ah rian 100,000 a bawmh cang.

Sipuazi le tangka hrambunh piaknak lei bawmhak

Tangka hramchiahnak athar bawmh ding le sipuazi lei tangka lutchuak karhter ding ah, Acozah nih chikhat ca ngunkhuai thumhpiaknak a pek cuahmah i cucu sipuazi tuahnak 3.5 million hrawnghrang sin ah a ngah lai (sipuazi tuahnak i zatuak 99 leng) cu nih cun 11.5 million hrawnghrang riantuantu pawl rian a pek hna lai. Ngunkhuai thumhpiaknak cu tangka hram chiahnak ret \$200 billion hrawnghrang sin ah hman a si lai i sipuazi tuahnak pawl kha tlawmterlonak hmangin aman tumter lomi thilri pawl ah zatuak Zan 7:30pm (AEDT) 6 Tho (October) 2020 thawk in 30 Pur (June) 2020 tiang, sipuazi tuahnak pawl nih an tangka hmuhmi kha kum khat chung i aman pakhatkhat phung ningin zorter khawhmi thilri pawl i aman dihlahk ah \$5 billion tiang tlawmter khawh a si lai. Hi lio caan i phung ningin aman tumter lomi thilri pawl a um liomi aman kaiternak pawl cu a dihlahk in zuh a si kho fawn.

Acozah nih kompani pawl nih an tangka hmuhmi \$5 billion tiang kha tangka khirhthannak tuah dingah ngunkhuai rak pek ciami cungah amiak rak ngahmi he iralchanh in sunghnak pawl kha umter lo in a tuah lai. Sunghnak cham thannak cu companies 1 million hrawnghrang a simi

riantuantu 8.8 million rian a pek khomi caah a ngah lai. Sunghnak pawl tonmi cu 2021-22 tiang cham than khawh a si lai, kum 2018-19 ah asilole hnu ah amiak pawl tuahmi he iralchanh in. Phungning tein a dirmi kompani pawl nih kum 2020-21 le 2012 -22 ngunkhuai khirhthannam an thoh tikah ngunkhuai khirhmi an ngahmi kha a sang kho men.

Digital Australia

COVID-19 pulrai nih Australia mi kompani pawl le thilcawtu pawl nih digital sehlei thiamnak pawl kha rang taktak in a cawnter hna i cu nih cun an riantuannak pawl kha tampi a thlenter hna i harnak chung ah an sipuazi tuahnak kha a pehzulh ter khawh hna.

Acozah i Digital Sipuazi Timhtuahnak nih sipuazi lei ah sehlei thiamnak thar pawl tamdeuh in icawnnak bawmh dingah hi thazaang thawnnak cungah a dirh lai – kompani pawl le thilcawtu a pahnih ning.

NBN Co ah chapmi \$4.5 billion peknak nih innchungkhar pawl le kompani pawl tampi a rangmi intanet hman khawhnak (broadband) a pek hna lai. \$29.2 million bawmhak nih 5G network zalong tein thlahnak kha a ranter fawn lai.

Sipuazi tuahnak i a fawimi thanchonternak

Phungphai a tamtukmi hlonhnak kha Australia caah Acozah i Sipuazi lei Tunmernak Timhtuahmi i a biapimi thil a si. Cu ruangah Acozah nih sipuazi tuahnak caah tangka hram chiah ding, rian pawl ser ding le zuamcawhnak pawl rang taktak in leh ding le caantha sunglawi pawl tlaih khawh colh dingah fawi deuh in a tuah.

Hi Batzet (Budget) ah, Acozah nih:

- Phungphai lei tuahto ning pawl a phunphun kha a sersiam than lai i a thlennawn lai

- A herh theng lomi thil man pawl caah phungphai chiahmi le sipuazi lei cawlcanghnak dawnkhaantu pawl kha a zorter lai
- Tunmer thannak hmangin sipuazi hme tete tuahmi kha a bawmh lai

JobMaker Rianpeknak lei Credit

Acozah i JobMaker Rianpeknak lei Credit athar nih kum 16 in 35 karlak mino rian a kawlmi mino pawl kha riantuantu pawl laak chap dingah siapuazi lei thazaang peknak hmangin tunmer thannak tuah lio ah rian thanchonak ranter ding kha a bawmh lai. JobMaker Rianpeknak lei Credit cu Australia sipuazi lei tunmer thannak thanchoter dingah Acozah JobMaker Timhtuahmi i a biapi pakhat a si.

JobMaker Rianpeknak lei Credit nih **mino pawl caah hmunhma 450,000 hrawnghrang** le kum 2020-21 in 2022-23 tiang \$4 billion hrawng a pek tiah ruahdamh a si.

Fimcawnnak, thiamnak pawl le riancawnnak pawl ah tangka hmanna

Acozah cu amah i JobMaker timhtuahmi phunkhat a si bantukin thiamnak lei thanchonak a tha ngaimi kha papek in a tuah cuahmah. Acozah i biakamhnak nih rian hmuhnak kha a bawmh lai i hmailei ah Australia mi pawl cu rian caah a dikmi thiamnak pawl an ngei hrimhrim lai.

- RianCawnpiaaktu – Australia riantuantu thanternak
- Tunmer thannak bawmh dingah a thar in riancawnnak pawl
- Rian a kawlmi pawl caah bawmhna
- Rian caah timhcia a simi tamdeuh buaih a ngahmi pawl
- Australia mi pawl thazaang thar laknak le rian thiamternak ca cawn dingmi pawl

Nu pawl caah sipuazi lei himnak peknak

Acozah nih nu pawl riantuantu i teltumnak kaiter ding, tangka kawlhawl khawhnak lei thanchoter ding le sipuazi lei zalonnak thazaang thawnter dingah 2020 Women’s Economic Security Statement timi a pek cuahmah. Nulepa bawmhna le rianhmun i nu pawl bawmhna caah tiin rian lei caantha sunglawi pawl caah \$240.4 million chuah piak a si lai.

Hi ah hin nu pawl ihruainak le thanchonak bawmh ding, le sai (science), sehlei cawnnak, incinniar le kanan (STEM) lei ah nu pawl caantha sunglawi pawl thanchoter ding rian lei prokarem pawl, sipuazi le pa nih hruaimi sehzung pawl aa tel.

Thilri chuahnak le kherhlainak le thanchonak lei bawmhna

COVID-19 pulrai nih ipehtlainak a biapit ning le dinhdorh khawhmi, icawn khawhmi le siamremhmi thilri ser khawhnak ngeih a biapit ning kha fiang taktak in a langhter cang.

Acozah i \$1.5 billion Modern Manufacturing Strategy cu Australia sipuazi tunmer thannak bawmh dingah caan sau ca in timhtuahmi a si.

Acozah nih Research and Development Tax Incentive hmangin pekchapmi \$2 billion a hman cuahmah.

Mei thazaang himnak le chawdawr siamremhnak pawl

Ram pumpi huap in, innchungkhar nih hmanmi lektrik mei man pawl cu Dipa (December) 2018 thawkin zatuak 4.7 ah a tla i a luancia thla 12 ah lektrik mei man pawl a tum ngaingai. Man tlawm deuh in um peng khawhnak dingah, mei thazaang a thawngmi karhter dingin Acozan cu pumpak petu pawl he rian a tuanti lai i Rampumpi huap in Coka nih a zami le aa pehtonhmi tuahto ning kha a ngah hrimhrim lai.

Acozah cu Australia lektrik mei, datsi le gas peknak pawl nih man fawi tein an pekmi kha him tein a chiah, rian thar pawl a ser i mah umnak hmunhma sehzung pawl kha a bawmh hna.

A cakmi hmunhma pawl bawmhna

Acozah cu tilian, mei, mangtam le atu lio COVID-19 nih a denmi hmun kip i a ummi Australia minung kha pezulh in a dirpi. \$550 million nak tamdeuh kha mah umnak peng nih bawmhna hmangin a ra i Acozah nih COVID-19 hnorsuannak in vun itunmer thannak dingah kan umnak hmunhma pawl cu a bawmh lai. \$1 billion COVID-19 Relief and Recovery Fund hmangin bawmhna pekmi cungah hi nih hin a sersiam.

A him deuhmi le a cak deuhmi Australia

Acozah nih kan ti himnak thanchoter, umnak hmunhma lei cahnak sersiam, rian pawl pek le kan cinthlak ningcang thanchoter dingin Kumzabu 21st bawmhna caah ti lei tawltrelnak kha a sersiam cuahmah. National Water Infrastructure Development Fund tangah procek thar pawl caah tiin \$2 billion hmanna nih Grid hmangin hmailei chan ca i ti lei tawltrelnak kha a bawmh lai.

Acozah nih Murray-Darling Communities Investment Package ah \$270 million a hman thiamthiam i cu nih cun pengtlang thanchonak a bawmh lio ah Basin ngandamnak kha a thanchoter lai.

A biapimi riantuan piaknak pawl bawmh dingah innsaknak lei in amiak hmuh peng khawh dingin Chakhlei Australia nih a tuah khawhna hngalhter dingah, Acozah nih Northern Australia Infrastructure Facility (NAIF) kha kum nga tuan chapnak nawl a pek i a cawihmi thilri pawl zong a tamter deuh.

Kan pawngkam runvennak

Acozah nih kan rili pawl runven ding le an ngandamnak sersiam than dingah \$47.4 million a hman cuahmah i mizapi nih hmanmi hmun ah khemikal (chemical) nih a hrawhmi tihunnak zorter dingah \$29.1 million a hman cuahmah.

Acozah nih Australia ram chungah siamremh thanmi innsakmi pawl chanthar sining he aa keih in sersiam ding, hlonhmi thil tlawmter ding le hlonhmi thil hman thannak tamdeuh tuah dingin kum li chungah \$249.6 million a hman lai.

COVID-19 runvennak, dothlatnak le thlopbulnak

Hi Batzet (Budget) ah, Acozah nih Australia mi nih pulrai chung vialte sii lei zohkhenhna le bawmh pehzulh in ngahnak dingah ngandamnak lei a phuphun caah \$4.9 billion a hman. Dinhdorh khawhmi le tahkhawhmi lehnak nih Australia mi dihlak runven ding le leh dingah ngandamnak lei tuahto ning kha a tuah khawh.

Pulrai hmangin Australia mi pawl bawmhna

COVID-19 pulrai hmangin Acozah nih Australia mi pawl cu a um bal lomi phaisa lei bawmhna a pek cuahmah hna, hihi telhchih in:

- JobKeeper Payment (Rianngaitu Bawmhna)
- Pampaak pawl caah hmuh chapmi tangka
- Pensen a eimi pawl le a dang cokhawhna a ngeimi pawl caah Sipuazi lei Bawmhna Tangka pekchapmi pahnih
- Lawlawse pensen laakhawhna

Na Hmailei, Na Thazaang thawnnak

Pensen an lak taikah an ngahmi tamdeuh seh tiin Acozah nih Australia mi pawl kha fak deuh in riantuan dingah a lam a sersiam piak hna.

Acozah i *Na Hmailei, Na Thazaang thawnnak (Your Future, Your Super)* siamremhnak pawl cu Acozah nih hmailei siamremhnak tuah dingah aa chiahmi a si i hmailei kum hra bu chungah Australia mi nih \$17.9 billion aa khon kha hmuh a si lai.

Australia mi pawl him tein chiahnak

Australia i cyber himnak lei thil ti khawhnak pawl cu a thawng ko, asinain awnlai (online) i hrocernak kan tonmi pawl cu a karh chin thluahmah. COVID-19 nih zeitluk in dah awnlai (online) in kan nun khawh i rian kan tuan khawh timi a langhter cang. Acozah nih 2020 Cyber Security Strategy chuahtiak dingah a hleiin \$201.5 million a pek lai.

Acozah nih hrocernak lei thil umtu ning a karh cuahmah lio ah Australia mi him tein chiah dingah

an thil tikhawhnak thawnter dingah AFP sin i \$300.2 million pek ding biakamhnak in him tein a kan chiah dingmi pawl kha a bawmh cuahmah hna.

Ka umnak hmun bawmhnak

Australia cu Pacific le Nichuah thlanglei Asia fek tein a dir khawhnak, arumnak le cahnak a ngeih khawhnak dingin biapi taktak in siaherhnak a ngei i Pacific Umtuning le a dang riantuannak pawl kha a ruah peng. Acozah nih kan umnak hmun kha a sersiam than cuahmah:

- Pacific le Nichuah thlanglei Asia ram pawl ah COVID-19 Siichunhnak lei Zohfelnak le Ngandamnak lei Himnak Prokarem ah tangka tampi a hman.
- Pacific caah Australia Innsaknak lei Tangka lei bawmh khawhnak
- COVID-19 Tunmer thannak - Pacific le Timor-Leste Bawmhnak
- Nitlak thlanglei Pacific ah innsaknak lei procek pawl himnak peknak